

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

LURRALDE OREKAREN SAILA

Foru Gobernu Kontseiluaren 331/2022 Erabakia, ekainaren 7koa. Onestea Arabako Lurralde Historikoko toki erakundeentzako laguntza lerroa, obra txikiak gauzatzeko 2023ko programaren barruan

Ekainaren 27ko 21/2013 Foru Arauak auzo harremanak sustatzeko ekimenetarako eta Arabako toki erakundeetan obra txikiak egiteko laguntza programak arautzen ditu.

Foru arau horren III. tituluan obra txikiak egiteko programaren inguruko xedapenak ezartzen dira, bai eta horrelako laguntzak emateko arauak eta irizpideak ere.

Programa hori Arabako Foru Aldundiaren aparteko tresna bat da, lurralde historikoko toki erakundeei finantzaketan laguntzeko; funtsaren helburua da laguntzak ematea Arabako toki erakundeetan egin beharreko eta 35.000,00 euro baino gehiagokoak ez diren inbertsioak finantzatzeko.

Horretarako, eta Arabako Lurralde Historikoko Dirulaguntzen urriaren 19ko 11/2016 Foru Araua aplikatuz, onespena eman behar zaio Obra Txikiak Gauzatzeko 2023ko Programaren barruan Arabako toki erakundeei emango zaizkien laguntzak arautzen dituen deialdiari.

Deialdia idazteko, kontuan hartu da Emakumeen eta Gizonen Berdintasun Eragingarrirako martxoaren 22ko 3/2007 Legeak eta Euskal Autonomia Erkidegoko Emakumeen eta Gizonen Berdintasunerako otsailaren 18ko 4/2005 Legeak ezarritako arau esparrua.

Era berean, eta Arabako Lurralde Historikoko Dirulaguntzen 11/2016 Foru Arauaren 7.3 artikuluan ezarritakoaren arabera, kontuan hartu da euskararen erabileraren faktorea Arabako Foru Aldundiak onetsitako hizkuntza normalizazioko politikaren esparruan, eta Euskararen Erabilera Normalizatzeko azaroaren 24ko 10/1982 Oinarrizko Legearen arabera.

Horregatik, Lurralde Orekaren Saileko foru diputatuaren proposamenez, eta Foru Gobernu Kontseiluak gaur egindako bilkuran gaia aztertu ondoren, honako hau

ERABAKITZEN DUT

Lehenengoa. Onestea Arabako Lurralde Historikoko toki erakundeei laguntzak emateko deialdia, Obra Txikiak Gauzatzeko 2023ko Programaren barruan emango diren laguntzena, alegia.

Bigarrena. Esleitzea 1.753.717,00 euro Arabako Foru Aldundiaren 2023ko ekitaldirako indarrean egongo den aurrekontu taldearen "10203. G/459100/76800100 Obra txikiak gauzatzeko" aurrekontu partidan, deialditik sortzen diren ordainketei aurre egiteko kreditu egokia eta nahikoa egotearen baldintza pean (etengarria izango da baldintza hori).

Hirugarrena. Arauketa.

Programa ekainaren 27ko 21/2013 Foru Arauak III. tituluan xedatutakoaren arabera dago araututa. Horren arabera:

1. Erakunde onuradunak.

Laguntza programa honen onuradun izan daitezke 21/2013 Foru Arauaren 16. artikuluan jasotzen diren erakundeak.

Ezin dira onuradunak izan Dirulaguntzen azaroaren 17ko 38/2003 Lege Orokorrak IV. tituluan adierazitako arau hausteren bat dela-eta zehatu diren erakundeak, ez eta Emakumeen eta Gizonen Berdintasunerako Eusko Legebiltzarraren otsailaren 18ko 4/2005 Legeak eta Emakumeen eta Gizonen Berdintasun Eraginkorrerako martxoaren 22ko 3/2007 Lege Organikoak jasotako egoeretan daudenak ere.

2. Finantza zuzkidura.

Hasierako finantza zuzkidura Arabako Foru Aldundiaren 2023rako aurrekontuan berariaz edo era osagarrian obra txikien/auzolanen gauzatzea finantzatzeko jasotzen diren partiden hasierako esleipenen batura gisa dago kuantifikatuta. Zenbateko horiek handitu ahal izango dira beren hasierako zuzkiduraren ehuneko 50era arteko kopuruaz.

Dirulaguntzak emateko, ezinbestekoa izango da partidan kreditu erabilgarria egotea.

3. Eskaerak aurkezteko epea eta modua.

Eskaerak aurkezteko epea deialdia ALHAOn argitaratu ondorengo egunean hasi eta 2022ko uztailaren 14ko 23:59an amaituko da.

Eskaerak aurkezteko epea bukatu baino lehen, toki erakunde bakoitzak erabakia hartu beharko du, bere antolaketa eta funtzionamendu araubidearen arabera, eskatzen dituen obra eta zerbitzuei buruz.

Eskaerak Arabako Foru Aldundiaren egoitza elektronikoa aurkeztu behar dira nahitaez: <https://e-s.araba.eus>. Nahitaez erabili behar da obra txikiak egiteko 2023ko laguntzak eskatzeko berariazko inprimaki elektronikoa, eta eskaera helbide elektronikoa honen bidez egin behar da:

<https://egoitza.araba.eus/eu/-/solicitar-ayudas-obras-menores>.

Administrazio Publikoen Administrazio Prozedura Erkidearen 39/2015 Legearen 14.2 artikulua betez, honako hauek telematikoki aurkeztera behartuta daude, egoitza elektronikoa berariazko izapidearen bidez (<https://egoitza.araba.eus/eu/-/solicitar-ayudas-obras-menores>): pertsona juridikoak; nortasun juridikorik gabeko erakundeak; elkargoko kide izatea nahitaezkoa duen jarduera profesional batean dihardutenak, jarduera horretan egiten dituzten izapideetarako, eta administrazioarekiko harremana elektronikoki izatera behartuta dagoen interesdun bat ordezkatzen dutenak.

Erregistro elektronikoa bakar batean aurkeztu daitekeen gehieneko luzera gainditzen duen dokumentazio osagarria aurkeztu behar bada, beste aurkezpen bat egin ahal izango da. Aurkezpen horretan, gutxienez, zer erregistro zenbaki edo kode individualizaturen osagarria den aipatu beharko da, edo hura identifikatzeko informazio nahikoa.

Eskaerarekin batera, egin beharreko obren aurrekontu xehatua (kostua eta BEZa zein bere aldetik adierazita) aurkeztu behar da. Hirigintza arloko udal teknikari-aholkulariak proiektua beharrezkoa dela egiaztatzen badu (eskaera inprimakiarekin batera dagoen "Proiektuaren beharraren ziurtagiria / Hirigintza txostena" inprimakian), obren aurrekontua edo balioespina aurkeztu beharrean obrak gauzatzeko proiektu teknikoa aurkeztu beharko da, non orobat jaso beharko baitira Eraikuntzaren Kode Teknikoaren 1. eranskinean finkatutako agiriak eta edukiak. Eranskin hori Eraikuntzaren Kode Teknikoa onesten duen martxoaren 17ko 316/2006 Errege Dekretuak onetsi zuen.

Hirigintza arloko udal teknikari-aholkulariak egiaztatzen badu (eskaera inprimakiarekin batera doan "Proiektuaren beharraren ziurtagiria / Hirigintza txostena" inprimakian) eragin sektorialak daudela, eskaerarekin batera aurkeztu beharko da toki erakundeak erakunde eskudunari obrarako autorizazioa, baimena edo aldeko txostena emateko egindako eskaeraren kopia. Dokumentu hori aurkezteko epea laguntza deialdirako eskaera aurkezteko berbera da.

Hirigintza arloko udal teknikari-aholkulariak adierazten badu (eskaera inprimakiarekin batera doan "Proiektuaren beharraren ziurtagiria / Hirigintza txostena" inprimakian) jarduketaren xede den ondasunak katalogazio edo babes motaren bat duela, edota ustezko arkeologia zonetan jardun nahi dela, organo eskudunari aurkeztutako txosten eskaeraren kopia aurkeztu beharko da eskaerarekin batera (Arabako Foru Aldundiko Historia eta Arkitektura Ondarearen Zerbitzua, hirigintza arloko udal teknikari-aholkularia, Arabako Foru Aldundiko Museo eta Arkeologia Zerbitzua). Dokumentu hori aurkezteko epea laguntza deialdirako eskaera aurkezteko berbera da.

Jaruketa zoladura jartzeko baldin bada edo jarduketan zoladura jarri beharra sartzen bada, aurkeztutako aurrekontua edo balioespena behar bezain zehatza izan beharko da, zenbat metro koadroz ari garen jakiteko eta zer material erabiliko den jakiteko.

Hauek izango dira, 2023ko ekitaldirako, 21/2013 Foru Arauaren 18.1.b artikulua aipatzen dituen moduluak:

— Aglomeratu asfaltikoa	35,20 euro/m ²
— Hormigoia edo beste batzuk	44,92 euro/m ²

Eskaerak osorik bete ezean edo oinarri hauetan adierazitako agiriren bat falta izanez gero, interesdunari eskatuko zaio falta diren datuak eta agiriak aurkezteko horretarako ezarritako epean, eta jakinaraziko zaio epealdi horretan agiri edo datu horiek aurkeztu ezean eskaerari uko egin diola ulertuko dela eta eskaera artxibatuko dela, organo eskudunak ebazpena eman ondoren.

Aurreko oinarrian ezartzen diren ondorioetarako, osorik ez dauden eskaerak ez aurkeztuzat joko dira erabat zuzendu arte.

21/2013 Foru Arauaren 17. artikulua 5. apartatua ezarritakoaren arabera, ezingo da eskatu laguntzarik Lurralde Oreka Sailak kudeatzen dituen beste laguntza programa batzuen 2023rako deialdietan eskatu diren obretarako, eta, batez ere, Obra eta Zerbitzuen Foru Planaren 2022-2023 deialdiaren barruan eskatu ziren obretarako.

4. Obren tipologia.

21/2013 Foru Arauaren 17. artikuluan jasota dauden izaera duten jarduketak gauzatzeko eman daitezke laguntzak.

Baldin 17. artikulua horren apartatuak aipatzen dituen jarduketak gauzatzeko organismo eskudunen baimena eta/edo aldeko txostena behar bada, jarduketari ekin baino lehen eduki beharko da.

Obra gauzatzeko proiektu tekniko behar izanez gero, eskatzen den obraren jarduketa bakarrik jaso beharko da proiektu tekniko horretan. Proiektua ez da aurkeztuzat joko, baldin eta jarduketa zabalagoi badagokie eta eskatutakoa haien zati bada.

Eskatutako jarduketa "Hornidura edo saneamendu sareak partzialki konpontzea, detektatutako gabezien ondorioz" epigrafean jaso bada, orduan honako hauek ere aurkeztu beharko dira:

a) Detektatutako gabeziei buruzko dokumentazioa (konponketen fakturak...).

b) Bestela, horren orde, udaleko teknikari-aholkulariaren txosten tekniko aurkeztu ahalko da, non azaldu beharko baitira detektatutako akatsak, haien izaera, garrantzia, antzintasuna eta haren iritziz eskaera aztertzekeko interesgarri izan daitekeen beste edozer.

Baldin eta eskatutako jarduketa Arabako Foru Aldundiaren Errepideen Erregistroan sartutako bideetan egin beharreko obretarako bada, Arabako Foru Aldundiko Nekazaritza Saileko Nekazaritza Garapenerako Zerbitzuak aurrekontua edo agiri tekniko egin behar du, prozedura izapidetzeko txostena egin baino lehen. Gisa horretako obretan, mantentze edo garbiketa lanak ere sar daitezke, eta salbuespenez, akabera zurrinak (hormigoia edo asfalto akaberak), baldin eta baldintzak fisikoek (esaterako malda handietan lan egitea) hala eskatzen badute eta hala definituta ageri badira aurkeztutako agiri teknikoetan. Horrez gainera, Nekazaritza Garapenerako Zerbitzuak berriaz gomendatu beharko ditu, toki erakundearentzako egindako txostenean.

Haien kategoria gorabehera, legez izendatutako arkeologia zonetan jardunez gero, nahitaezkoa da Arabako Foru Aldundiko Museo eta Arkeologia Zerbitzuaren txostena.

21/2013 Foru Arauaren 17. artikuluko 2. apartatuan ezarritakoaren ondorioetarako, toki erakundeak ondasun eta eskubideen titularrak izango da baldin eta ondasun eta eskubide horiek toki erakundearen izenean izena emanda badaude jabetza erregistroan, edo bestela, toki erakundearen ondasunen inbentarioan jabe gisa jasota badaude.

5. Laguntzak esleitzeko araubidea eta hautatze irizpideak.

Dirulaguntzak esleitzeko araubidea eta aplikatzekoak diren hautatze irizpideak ekainaren 27ko 21/2013 Foru Arauaren 20. artikuluan daude jasota.

Laguntzen deialdiaren ebazpena emateko, emandako epean aurkeztutako aurrekontu ekonomikoan oinarrituz egingo da dirulaguntzaren hasierako kalkulua; aldeak edo akatsak antzematen badira, zuzendu egin beharko dira. Zuzendu ondoren, emaitza ondorio guztietarako aplikatuko da.

6. Prozeduraren ebazpena eta jakinarazpena.

Prozeduraren ebazpena eta haren jakinarazpena ekainaren 27ko 21/2013 Foru Arauaren 21. artikuluan xedatutakoaren arabera egingo dira.

Toki erakundeei indarreko legediarekin bat etorritik jakinaraziko zaie eskatutako obra horiek programan sartu ala kanpoan utzi ebatzen duen ebazpena. Ebazpen horrek administrazio bidea amaitzen du.

Toki erakunde onuradunak bete egin beharko ditu dirulaguntzak emateko ebazpenaren jakinarazpenean ezarritako baldintzak eta betekizunak.

Sektore Publikoko Kontratuei buruzko 9/2017 Legean xedatutakoaren arabera kontratu txiki bat bada, hornitzaile desberdinei eskatutako gutxienez hiru eskaintza izan beharko dira kontratazioaren aurretik, salbu eta ezaugarri bereziak direla-eta merkatuan ez badago eskaintza horiek egiten dituen hornitzaile kopuru nahikorik; kasu horretan, behar bezala justifikatu beharko da erakunde eskatzaileak sinatutako dokumentu batean.

Bat etorritik Euskararen Erabilera Normalizatzeko azaroaren 24ko 10/1982 Oinarrizko Legeak ezarritakoarekin, obren esleipendunak hizkuntza ofizial bien tratamendu eta erabilera egokiak bermatu beharko ditu, eskumena duen organoak uste badu kontratuaren xedeak hala eskatzen duela.

7. Obrak gauzatzeko eta agiriak aurkezteko epea.

Obrak egiteko epea 2023ko azaroaren 30ean amaituko da. Epe bera izango da justifikazio dokumentuak aurkezteko. Salbuespenez, horretarako ahalmena duen Lurralde Orearen Sailako titularrak berriaz onetsi beharko duen justifikazioa aurkeztu ondoren, obra amaitzeko eta obra gauzatu dela justifikatzen duten agiriak aurkezteko epea luzatu ahal izango da, 2023ko abenduaren 31ra arte, baina ezingo da data horretatik aurrerako luzapenik eman.

Ordainketaren egiaztagiriak aurkezteko epea bi hilabetekoa izango da, dirulaguntza ordaintzen denetik aurrera.

Diruz lagundutako jardueraren zabalkundea eta publizitatea, euskarria edozein dela ere (liburuxkak, kartelak, argitalpenak...), bi hizkuntza ofizialetan egin beharko da.

8. Dirulaguntza bat baino gehiago aldi berean.

Gertatuko balitz obra txikiak egiteko laguntza programaren kontura diruz lagundutako jarduketara bat aldi berean beste dirulaguntza batzuekin ere finantzatzea, 21/2013 Foru Arauaren 24. artikulua horretarako xedatutakoari jarraituko zaio.

9. Dirulaguntzak errebokatzea eta itzultzea.

Dirulaguntzak emateko eta benetan jasotzeko ezarri diren baldintzak funtsezkoak dira; hortaz, bete ezean, guztiz errebokatuko dira, eta itzuli egin beharko dira jasotako kopuruak, eta, hala badagokio, aurre egin beharko zaie dirulaguntzak arautzen dituen foru araudian aurreikusitako erantzukizunei.

Laugarrena. Lurralde Orekaren Saileko foru diputatuari ahalmena ematea aipatutako obrak izapidetzeko eta egiteko zenbanahi agindu eta xedapen emateko, bai eta dagozkien aurrekontu partidek hartarako aukera ematen dutelako geroago egiten diren esleipenak onesteko ere, betiere prozedura ebazteko kide anitzeko organoak proposatutako lehentasun hurrenkera betez. Era berean, ahalmena izango du errebokatze edota itzulketak eskatzeko.

Bosgarrena. Erabaki hau ALHAOn argitaratzea.

Seigarrena. Administrazio bidean behin betikoa den erabaki honen aurka administrazioarekiko auzi errekurtsua aurkeztu ahal izango da zuzenean Gasteizko Administrazioarekiko Auzietarako Epaitegian, bi hilabeteko epean, ALHAOn argitaratu ondorengo egunetik aurrera. Hori guztia, Administrazioarekiko Auzietarako Jurisdikzioa arautzen duen uztailaren 13ko 29/1998 Legeak 46. artikuluan xedatutakoarekin bat etorriz.

Vitoria-Gasteiz, 2022ko ekainaren 7a

Diputatu nagusia

RAMIRO GONZÁLEZ VICENTE

Lurralde Orekaren Saileko foru diputatua

IRMA BASTERRA UGARRIZA

Lurralde Orekaren zuzendaria

JESÚS MARÍA GUINEA DÍAZ DE OTALORA